



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De
Contractibus

Antoine, Paul-Gabriel

Ingolstadii, MDCCXXXIII.

VD18 90392159

Cap. III. De Temperantia & Virtutibus ei annexis.

urn:nbn:de:hbz:466:1-40993

DE VIRTUTIBUS MORALIBUS. II

CAPUT III.

*De Temperantia, & Virtutibus eius
annexis.*

Q. I. *Quid est Temperantia?*

Resp. *Temperantia latè sumpta est virtus, quæ juxta rectam rationem, & legem diuinam operationes, & passiones humanas moderatur. Sive est Virtus refrænans animi affectus, qui ipsum contra rectam rationem alliciunt, illösque moderans secundūm rectam rationem, ac legem divinam. Sed sic sumpta non est virtus ipecialis, nam id præstat omnis virtus moralis in sua materia; justitia enim, v. g. affectum à furtis, & injuriis avertit. Temperantia strictè sumpta est virtus, quæ secundūm rectam rationem, ac Legem diuinam moderatur appetitum, & usum rerum, quæ delectationem sensuum, præsertim gustus, & tactus pariunt, qualia sunt esculenta, poculenta, & venerea. Hinc tres sunt temperantiæ species, nempe abstinentia, sobrietas, & castitas.*

Abstinentia. Est virtus, quæ juxta rectam rationem moderatur appetitum & usum ciborum oblectantium; atque etiam potionis non inebriantis.

Sobrietas. Est virtus, quæ appetitum, & usum potionis vim ineibriandi habentis moderatur juxta rectam rationem. Supple semper, & juxta Legem diuinam; nam quidquid est & juxta

contra rectam rationem, est etiam contra Legem Dei, cùm recta ratio sit intimatio Legis divinæ æternæ.

Regula autem, ac mensura cibi, potūs, ac somni sumenda est ex fine proximo, ad quem ista per se referuntur, qui est bona corporis valetudo, & idonea mentis ad suas functiones obeundas dispositio, seu habitudo, ad Dei gloriam ultimè ordinata: nam finis est mensura eorum, quæ sunt ad finem. *Habet vir temperans in hujusmodi rebus mortalibus, & fluentibus vitæ regulam utroque testamento firmatam, ut eorum nihil diligit, nihil per se appetendum putet; sed ad vitæ hujus, atque officiorum necessitatem, quantum sat est usurpet utentis modestiā, non amantis affectu.* ait S. Aug. lib. de Morib. Eccles. cap. 21. Per necessitatem intellige non solum absolutam, ac physicam, sed etiam moralem: non enim illud solum dicitur necessarium vitæ humanæ, ejusque officiis, sine quo absolutè vivere, aut ea officia omnino obire non potes: sed etiam id sine quo hoc non potes commodè, & convenienter tua statui, spectatis quoad qualitatem cibi, & potūs circumstantiis statūs, conditionis, officii, opulentiaz, loci, personarum quibuscum vivis, & negotiorum occurrentium. Igitur ad temperantiam spectat, nec plus, nec minus cibi, potūs, & somni sumere, quam ad bonam corporis valetudinem, & vires ad munera sua recte obeunda requisitas, aptamque mentis ad suas fun-

functiones dispositionem expedit; cum hoc discrimine, quod major quantitas sit illicita: minorem autem subinde sumere ob justam, & graviorem causam, quam sit robusta valetudo corporis, v. g. ob carnis mortificationem, vel satisfactionem pro peccatis, sit laudabile, et iamsi vires corporis imminuantur; modò tamen valetudo non nimis frangatur, nec mens reddatur ad suas functiones ineptior, ita ut homo semper valeat rectè præstare ea, ad quæ tenetur. Ea quippe bona est corporis valetudo, quæ optimè menti, & animæ saluti servit; nam corporis est, ut animæ serviat ad suas functiones, quæ omnes ad Dei gloriam, & salutem nostram referri debent. Hæc autem abstinentia major, quam ratio temperantiae per se exigit, pertinebit ad aliam virtutem, ex cuius affectu servatur, v. g. castitatem, pœnitentiam, &c.

Castitas. Est virtus, quæ cohibet, vel moderatur appetitum, & usum venereorum, ac delectationis venereæ secundùm rectam rationem, & Legem divinam. Pudicitia autem vel est eadem virtus, quæ castitas, vel ejus pars integralis cohibens oscula, amplexus, asperitus, & tactus impudicos, eorumque delectationem. Triplex est castitas, nempe virginalis, conjugalis, & vidualis. 1. Est voluntas constans, & efficax abstinendi totâ vitâ ab omni prorsus actione & delectatione venerea. 2. Est voluntas constans & efficax ab-

stinen-

stinendi ab omni actione & delectatione venerea cum non conjugé, & ea utendi cum conjugé semper juxta rectæ rationis, & Legis divinæ regulam. 3. Est propositum abstinenti in posterum propter Deum ab omni actione, & delectatione venerea percepta in coniugio.

Abstinentiæ opponitur gula strictè sumpta, sobrietati ebrietas, & castitati luxuria, de quibus dixi in Tract. de Peccat.

Q. 2. An licet agere ob voluptatem, seu delectationem moderatam & per se licitam, eamque propter se appetere?

Resp. Neg. Quia 1. omnis actus, qui non est bonus saltem ratione finis, hoc ipso malus est, ut docet S. August. lib. 4. contra Julian. cap. 3. Cùm facit homo aliquid, ubi peccare non videtur, si non propter hoc facit, propter quòd facere debet, peccare convincitur. idque satis indicat Christus Matth. 12, dum ait: *Omne verbum otiosum quod locutifuerint homines, reddent rationem de eo in die judicii.* utique tanquam de peccato. Ergo omne opus otiosum moraliter est malum, æquè ac verbum otiosum, cùm sit eadem ratio, & species ibi ponatur pro genere. At omnis actus, qui non est bonus, est saltem otiosus moraliter, seu inordinate ad mores: ergo malus est. Jam vero actus non est bonus, nisi habeat finem honestum, hoc est, consentaneum naturæ rationali & Legi divinæ.

divinæ. 2. Homo deliberatè agens tenetur semper agere propter finem proportionatum, seu consentaneum naturæ rationali quatenus rationalis est, ideoque propter finem honestum; tenetur enim semper agere modo proportionato, seu consentaneo naturæ rationali, quâ rationali: alioqui sciens, ac volens deficit à conditione sua, & à dignitatis præstantia, quâ brutis excellit, séque ipsum deprimit ad modum agendi brutalem. Non potest autem agere modo proportionato naturæ rationali quâ rationalis est, nisi agendo propter finem consentaneum naturæ rationali, quatenus rationalis est. 3. Agens ob delectationem agit inordinate, & contra rectam rationem: nam pervertit rerum ordinem à Deo authore naturæ institutum, secundum quem delectatio ex natura sua est propter operationem, non autem operatio propter delectationem, ut agnovit Aristot. Bonum delectabile, inquit, cum sit inferior honesto, ordinatur per se ad illud. & docet S. Thom. I. 2. q. 4. a. 2. ad 2. *Divinus intellectus, qui est institutor naturæ, delectationes apposuit propter operationes.* ut scilicet facilius, promptius, melius, & constantius efficerentur. Itaque delectatio moderata potest quidem percipi, & appeti ut medium, sed non ut finis; cum inordinatum sit, velle sistere in eo tanquam fine actionis, quod Deus instituit solum ut medium ad actionem melius, promptius, & constantius faciendam. 4. Innoc. XI.

damna-

damnavit has propos. 8. Comedere & bibere usque ad satietatem ob solam voluptatem non est peccatum, modo non ob sit valetudini; quia licet potest appetitus naturalis suis actibus frui. hoc est, sistere in delectatione actuum tanquam in fine obtento. 9. Opus conjugii ob solam voluptatem exercitum omni penitus caret culpâ, ac defectu veniali.

Hinc manducare etiam moderate, audire Musicam, odorari florem, & similia oblectamenta capere ob solam delectationem, per se loquendo est venialis culpa.

Q. 3. Quænam sunt virtutes Temperantie annexæ?

Resp. Sex, Mansuetudo, Clementia, Studiositas, Modestia, Eutrapelia, & Circumspectio.

1. Mansuetudo est virtus, quæ iram moderatur juxta rectam rationem sic, ut non irascamur, nisi quando, quantum, cui, & quomodo oportet. Ei opponitur per excessum iracundia, de qua alibi: per defectum vero nimia dissimulatio, cum nempe ex iræ defectu mala impunita manent; nec quis irascitur ubi, quando, quantum & quibus oportet, ut justitia servetur, vitia corrigantur, scandalum tollatur, &c. Est mortalis ex genere suo, cum repugnet Charitati, vel Justitiæ.

2. Clementia est virtus, quâ Superior ex animi lenitate inclinatur ad pœnam debitam miti-

DE VIRTUTIBUS MORALIBUS. 17

mitigandam, vel remittendam, quantum patitur recta ratio, iustitia, disciplinæ bonum, Rei salus, & ædificatio publica.

Ei opponitur per excessum crudelitas, quā quis ex animi austerritate propensus est ad exigendam pœnam ultra meritum culpæ. Est ex genere suo mortalis, cùm repugnet Charitati, & iustitiæ. Per defectum verò nimia lenitas, quā quis pœnam remittit, aut mitigat ubi severitate utendum recta ratio dicit, ad delinquentem emendandum, servandam disciplinam, &c. Est culpa gravis, vel levis, pro ratione damni, vel scandali, quod ex ea pro-
yenit.

3. Studiositas est virtus, quæ secundum re-
ctam rationem moderatur appetitum sciendi,
& ipsum studium, ita ut quis ea solum velit
scire, quæ ipsius conditioni, & capacitatì con-
veniunt, & studeat eā diligentiā, quā oportet,
iis rebus, quibus oportet, ex debito fine, & in
debitis circumstantiis loci, & temporis. Unde
ejus est refrænare affectum inordinatum co-
gnoscendi, moderari studium, incitare ad dili-
genter addiscendum res necessarias & conve-
nientes.

Ei opponitur per excessum Curiositas, quæ
est inordinatus appetitus cognoscendi. Est
autem inordinatus vel ex parte objecti, & tunc
definitur, appetitio vel cura superflua cognos-
cendi ea, quæ ad se non pertinent, sive quæ
nec ad propriam, nec ad proximi utilitatem,

Tom. II.

B

nee

ere
est
ite
oc
in
lu-
ac
re
ra-
se
9
u-
n-
e-
a-
lo-
n-
ia
la
i,
i-
l-
e-
x
n
i-

nec ad Dei honorem conducunt: vel ex parte
modi, ut si ea, quæ ad te spectant, velis addi-
scer et tempore non congruenti, vel laboribus
immodicis, & corpori, vel menti noxiis. Cu-
riositas est mortal is. 1. Ratione objecti prohi-
biti, v. g. si legas libros ab Ecclesia, aut Supe-
rioribus prohibitos, aut velis scire ea, quæ di-
cuntur in Confessione, &c. 2. Ratione medii,
si adhibetur graviter illicitum, ut superstitio-
sum, &c. Vel ratione finis mortaliter mali.
3. Ratione periculi peccandi mortaliter, ut si
legas libros contra fidem, aut bonos mores,
&c. 4. Si per studium minus utile homo im-
pediatur ab addiscendis iis, quæ scire tenetur.
5. Ratione nocimenti, seu damni, ut si ob im-
moderatum studium valetudo graviter lada-
tur. 6. Si quis ab alio scire vult, quod sub
mortali revelare nequit. 7. Ratione injuriæ
gravis, ut si quis litteras alterius clausas sine
consensu ejus, à quo, vel ad quem scribuntur,
saltē prudenter præsumpto, aperit, & legit:
nam tunc violatur jus, quod quisque habet, nē
arcana consilia, & negotia litteris commissa
sine ejus consensu cognoscantur. *Ita Navar.*
Tolet. Layman, & alii. Unde est mortale con-
tra justitiam litteras alienas legere, quando
continent secreta magni momenti, vel ea, quæ
multū expedit non innotescere, vel quæ
multū optat celari is, à quo, vel ad quem
scribuntur, vel quando timeri potest inde se-
cutura aliqua infamia, vel aliud damnum grā-
ve.

ye. Cùm autem id omne ante apertio[n]em
ignoretur, ideò litterarum alienarum apertio[n]
lectio[ne]que ordinariè mortal[is] est ob morale
periculum lacerandi jus secreti in re gravi. Id
etiam est contra fidem publicam, cui sigilla lit-
terarum credita intelliguntur. Multi docent
esse solum veniale litteras à Dominō dilacera-
tas; & in publicum projectas ex sola curiosi-
tate colligere, junc[ti]sque partibus legere; quia
tunc habentur pro derelictis. Sed hoc alii ne-
gant; quia Dominus lacerando satis ostendit
se non derelinquere jus, quod habet ad secre-
tum litterarum. At quare in publicum projic-
cit? num sibi imputare debet, d[omi]n[u]m inde
secutum? Item peccat contra justitiam, qui al-
terius scripta ipso invito legit, & quidem mor-
taliter, si fiat cum gravi damno, vel alter valde
cupiat esse secreta, graviterque sit latus. Ex-
cipe nisi constaret scripta vergere in damnum
injustum communitatis, vel etiam privati; ne-
mo enim habet jus ad medium injustum. Pos-
sunt quoque litteræ aperiri auctoritate publi-
cā, nempe Principis, Magistratūs, cùm id exi-
git bonum commune, cui iura privatorū
subordinantur. Sed ii, qui secreta legerint;
tenentur celare. Parentes habent etiam jus
aperiendi litteras liberorum, curæ suæ subje-
ctorum. Curiositas autem, quan[do] non laceratur
graviter Charitas, nec justitia, est per se solum
venialis, secluso periculo graviter peccandi;
vel prohibitione gravi: quia non est per se

magna inordinatio, quod quis præcisè id, quod ad se non pertinet, cognoscere velit sine gravi injuria alterius, aut supervacaneam in eo curam ponat, modo necessaria non negligat; vel plus æquo appetat cognitionem rerum sibi necessiarum, aut utilium.

Per defectum adversatur Studiositati Negligentia, quæ est voluntaria omisso studii, vel inquisitionis ad discendum, quæ quisque scire, vel discere tenetur. Estque peccatum grave, vel leve pro gravitate, vel levitate rei, quæ sciri debet, spectato ejus fine.

4. Modestia duplex est: una est modestia motuum externorum, quæ motus, & gestus corporis externos moderatur secundum re-
ctam rationem, ita ut congruant personæ spe-
cietate tum in se, tum in ordine ad eos, quibus-
cum versatur, & ad locum, tempus, statum,
&c.

Ei opponitur per excessum Petulantia, &
Insolentia, qua non servatur decorum in voce,
gestu, & aliis motibus externis corporis: ut
si quis vocem nimium attollat, gestus, aut
gressus insolitos habeat, si Religiosus mores
aulicos sectetur, &c. Per defectum morum
ruditas, seu Rusticitas,

Altera est modestia cultus, seu parcitas, qua
in cultu, ornatuque corporis, & apparatu re-
rum externarum, domus, supellec̄tilis, con-
viorum, &c. servatur mediocritas, & congrui-
tas ad personam, facultates, statum, conditio-
nem,

nem, approbatam consuetudinem, & ad tempus, locum, &c. Contra hanc peccatur 1. Per Luxum, excedendo modum consuetum, & convenientiam conditioni, ac facultati personæ in vestibus, conviviis, supellecili, &c. Item assumendo vestem alterius sexus. Cultus exterior (inquit S. Thom. 2. 2. q. 169. a. 2. ad 3.) debet competere conditioni personæ secundum communem consuetudinem. Et ideo de se vitiōsum est, quod mulier utatur ueste virili, aut ē converso: *S* præcipue quia hoc potest esse causa lasciviae, *S*pecialiter prohibetur in lege... Potest tamen quandoque hoc fieri sine peccato propter aliquam necessitatem, vel causâ se occultandi ab hostibus, vel propter defectum alterius vestimenti, vel propter aliquid aliud hujusmodi. 2. Ratione affectus inordinati, quando nimium studium in hujusmodi rebus ponitur, ut sape faciunt feminæ multum temporis tam pretiosi in se ornandis collocantes. 3. Per defectum, & dicitur Sordiditas, quan non servatur decorum in cultu corporis, & rerum suarum.

Porrò peccata contra utramque modestiam interdum sunt mortalia, scil. ratione scandali, damni, pravi finis, &c. sic excessus in ornatu, & apparatu externo est mortalis ratione effectus, si sit causa non solvendi debita, non dando eleemosynas necessarias, non collocandi liberos in statu convenienti, vel alia non praestandi, ad quæ quis tenetur: vel ratione affectus graviter immoderati, ut si propter orna-

tum aliquis sit paratus peccare mortaliter: vel ratione scandali, quod s̄pē dant mulieres in modo se exornandi, qui ad luxuriam alliciat intuentes, ut reverā alliciunt mulierum reseratus sinus, cæteræque corporis nuditates, ut docet S. Carol. in instruct. Confessar.

Sed an mulieres peccant, si se ornent ad placendum viris?

Sic respondet S. Thom. 2. 2. q. 159. a. 2. Si mulier conjugata ad hoc se ornet, ut viro suo placeat, potest hoc facere absque peccato. Illæ autem mulieres, quæ viros non habent, nec volunt habere, & sunt in statu non habendi, non possunt absque peccato appetere placere virorum aspectibus ad concupiscendum: quia hoc est dare eis incentivum peccandi. Et si quidem hac intentione se ornent, ut alios provocent ad concupiscentiam, mortaliter peccant. Si autem ex quadam levitate, vel etiam ex quadam vanitate propter jactantiam quamdam, non semper est peccatum mortale, sed quandōque veniale. Et eadem ratio. quantum ad hoc, est de viris. Et ad 2. ait: Mulierum fucatio est quadam species fictionis, quæ non potest esse sine peccato... Non semper tamen talis fucatio est cum peccato mortali, sed solùm quando fit propter lasciviam, vel in Dei contemptum.

5. Eutrapelia seu jucunditas est virtus, quæ inclinat ad servandum modum, ac decorum in dictis, & factis ludicris ad animi recreationem, institutis.

Contra

Contra illam peccatur per excessum 1. Ratione objecti, si immodestum, petulans, contumeliosum, injuriosum, obscenum, periculosum, vel prohibitum jocandi, aut ludendi genus usurpetur. 2. Ratione circumstantiarum, si genus ludendi, vel jocandi alioqui licitum exerceatur in loco vel tempore indebito, modo indecoro, nimis diu, vel contra dignitatem personæ illud usurpantis, vel ejus, coram quâ usurpatur. 3. Ratione immodi affectus.

Per defectum vero peccatur, cum quis ex animi austerritate, seu morositate omnem honestam animi recreationem sibi necessariam repudiat, vel in aliis impedire conatur.

6. Circumspectio est virtus, quæ sermones moderatur secundum rectam rationem, & Legem divinam, ita ut non loquamur nisi quando, ubi, quæ, quibus, & quomodo oportet. Est valde necessaria, quia ex ejus defectu innumera admittuntur peccata, nam *lingua ignis est, universitas iniquitatis.* Jac. 3.

APPENDIX.

D e Jejunio Ecclesiastico.

Q. I. **Q**uenam ad illud requiruntur?

Resp. I. **Q** Tria 1. Abstinentia à carnibus, atque etiam ab ovis, & lacticiniis; nam hæc

B 4. sunt